




Gugger-Fasnacht

# GUFA 2021

«Mir hän gnueg ...!»

11. Usgoob



## Fam. Ambros Thuring, Weinbau und Brennerei

Wein und Schnaps aus eigener Produktion.  
Direktverkauf jeden Samstag von 10 - 12 Uhr  
in der «Wylauben» oder nach tel. Vereinbarung.

Hauptstrasse 32, 4107 Ettingen, Telefon 061 722 00 07  
info@thuringambrosweinbau.ch /  
www.thuringambrosweinbau.ch



Postfach 139 Kirchgasse 7 4107 Ettingen

T 061 722 08 67 F 061 722 08 68 ruchti.gartenbau@bluewin.ch

## «MIR HÄN GNUEG...!»

Liebi aktivi und passivi Fasnächtler und Fasnächtlerinne

Vor knapp emene halbe Joor het meh mi zum neue Präsi gwählt. Mit grosser Freud, vill Idee und Motivation bi ich in mi Amt gstartet. Es isch wahrlich e Start in e struubs Fasnachtsjoor, gsi und ich hätti nit dänggt, dass e Fasnacht absäge wohl meh Ufwand isch, als e Fasnacht zorganisiere. Trotzdem ha ich mi uf mi neus Amt gfreut, insbunders will ich au uf e top motivirts und kompetents Komitee dörf zähle. Mir sind scho ganz vill Themene agange und hen scho paar Sache chöne umsetze (z.B. GuFa Poscht, neuu Laterne, Revision Dekowimpel, etc.). Vill Idee sind no ume, aber es heisst ganz klar Evolution statt Revolution. Mir Guggen hän wahrlich scho e wunderbari Dorf-fasnacht mit Charme, wo mr gezielt und sorgsam no chöne verbessere. E Biispil isch do die neuu Fasnachtsmeile vom 2020 (wos ab 2022 sicher widr wird geh), e tolls Ergebnis usre Zämearbeit vo aktive Fasnächtler.

Aber au mir sage jetzt «mir hän gnueg...!». Zäme sitze, Spass ha und allgemein dr ungezungeni sociali Ustusch fehle uns allne, Element wo insbunders au unseri Fasnacht usmache. Jetzt heisst für alli nomol uf Zähnbisse und dure hebe und sbeschte us dere schwierige Situation mache, so au an dr «Fasnacht» 2021. Ich bi sicher, e jede Fasnächtler findet e Weg in kleine Rahme sini ganz persönli «Fasnacht» zgestalte und ich freu mi dorum trotzdem uf d «Fasnacht» 2021.

Mir alli wärde gstärkt us dere Krise usego und s Zämesii in Zuekunft, gän au an unserer Fasnacht, hoffentlich umso mehr schätze.

Eure Präsi Pascal



[www.multi-montagen.ch](http://www.multi-montagen.ch)

Ihr Spezialist, wenn es um Tore, Türen und Fenster geht

\*\*\*10% Neukunden-Rabatt\*\*\*

Multi Montagen GmbH – Kirchwackerweg 11 – 4145 Gempen



**helvetia** 

Ihre Schweizer Versicherung



**Marcel Schneider**

Versicherungs-/Vorsorgeberater

**Generalagentur Reinach**

T 058 280 89 35, M 079 572 30 59

[marcel.schneider@helvetia.ch](mailto:marcel.schneider@helvetia.ch)

# GENERALVERSAMMLUNG 2020

Trotz BAG-Richtlinie hän zahlrichi Fasnächtler an dr GV am 26.08.2020 im Rebstock chönne teilnäh, was jedes Joor e grossi Freud isch. Au in däm Joor sin d' Traktande 1 bis 6 sehr schnäll duure gloffe, vilicht au, will alli gspannt gsi sind uf die disjöörige Wahle.

Dorum sin mr au sehr schnäll zu de Wahle cho. Zur Wiederwahl händ sich in däm Joor bestätige loh: Unseri Abzeiche-Chefin Pascale, unsere Kassier (leider nur no für s 2021) dr Michel, unseri Dorfdeko-Chefin Sandra sowie unserie KiMaBa und Heftli-Chefin Sylvia. Au zur Wiederwahl unseri Migg im erwiiterte Vorstand.

So jetzt no zu de Wahle für dr neu Präsi: Am Schluss hän sich doch drei Persone us Ettigä zur Wahl gstellt. Dr Pascal Meury, dr Marcel Schneider und dr Fabio Cardinale. Nach dere doch intensive Wahl isch festgstande: dr Pascal isch als neue Präsident vo dr Ettiger Fasnacht gwählt worde. Ich wünsch im Pascal do scho mol alles Gueti, viel Spass und Erfolg in sinere neue Ufgoob.

Jetzt no zum Marcel und zum Fabio: will doch auch no anderi Ämter hän chönne bsetzt wärde, hän mir dr Marcel als Vize-Präsi und dr Fabio im erwiiterte Vorstand als Maskeball-Chef chönne gwünne. Danke au Euch. Während de Wahle hän mr sogar no d'Sandra Gaspar und d'Fabienne Thüring als Verträtiig für d'Schnitzelbängg im erwiiterte Vorstand begrüsse dörfe, au euch e grosses Danke.

Somit sin nur no d' Termin für d' Fasnacht 2021 uf dr Traktandelischte gstande. Die sind in däm Joor relativ waage will keine vo uns het chöne wüsse, wenn was genau wüchlich cha stattfinde wäge däm dumme Virus. Mir hän uns druff geinigt, dass mir d' Fasnächtler so guet wie möglich ufem laufede halte und somit sich denn dr offizielli Teil vo dr GV au scho vrbj gsi.

Als Abschluss will ich mi do nomol hätzlichscht bi allne Fasnächtler und bim ganze Komitee bedanke, es isch für mi sehr e tolli Erfahrig gsi. Danke au für d' Unterstützung und s' Vertraue. Es het mr sehr viel Spass gmacht mit Euch allne.




Eure Bixe

# RESTAURANT, BAR

Z u m  
scharfe  
e g g

aeschstrasse 2, 4107 ettingen



**Thüring + Co.**  
**Gartenbau + Baumschnitt**

Ettingen  
079 321 67 69

**Baut und unterhält Ihren Garten.**

thuering-gartenbau.ch

## NEU IM KOMITEE: PRÄSI

Name: Pascal Meury (Vorgesehene Künstlername falls beriehint wird Mauro Gelato, aber passt) Clique: Houli-Mouli

Chinesischs Störnzeich: Frühigsrolle? Kei Ahnig...

Wenn ich e Tier wär, denn wär ich: e Oktopuss (Will meh immer zwenig Händ (net für alles zmache...))

An dr Fasnacht findsch mi: Mol do mol dört, aber immer im Dorf

Ich freu mi uf: dNach-Corona-Zyt und uf d'Fasnacht 2022

Mi Fasnachtsmotto isch: Vergiss dr Alltag und gniess dr Moment

An dr Fasnacht bschtell ich: Omnibüssli, dä bringt ein immer sicher ans Ziel

E chlini Wiisheit vo mir für ufe Wäg: Heute ist die gute alte Zeit von morgen, also: jede Daag gniesse. Für die weniger philosophische unter uns: wenn meh Spaghetti im Wyy kocht, het meh d'Sauce scho gmacht!

Do ziheri d'Utschrift vom einzig wahre WC-Papier: s'ärelagige Soft Bi mim WC-Papier isch wichtig: Recycling Papier us dr Marcos: Sanfte Weichheit für jeden Tag



## NEU IM KOMITEE: VIZE-PRÄSI

Name: Marcel Schneider Clique: Hopfegranate

Chinesischs Störnzeich: Pekingänte

Wenn ich e Tier wär, denn wär ich: Ä gführlichs

An dr Fasnacht findsch mi: Ufem Waage, oder in dr Beiz

Ich freu mi uf: Trotzdem e paar Kostümierti uf dr Stroos aztraffe

Mi Fasnachtsmotto isch: Wär feschtä cha, cha au wyterfeschtäl

An dr Fasnacht bschtell ich: e Meggi-Weggli und e Lütz

E chlini Wiisheit vo mir für ufe Wäg: Alles isch guet, solang de Wild bischl Usser bimene Wildunfall. Dört ischs nid guet, wenn'd Wild bisch.

Bi mim WC-Papier isch wichtig: Dasses richtig umme uf em Halter isch!



# 30 JOOR ÖPFELBÜTSCHGI

## E GWÜSSE WAHNSINN ISCH NORMAL

...guet, was isch überhaupt «Normal»?!

Agfange het alles am Samschtig Nommitag 10. Februar 1991, ungefähr dreiezwanzig ab eins. Die beide Gründigsmittglieder Urs & Thomi hän am Nommitag vorem Grosse Maskeball eistimmig entschiide, an dr Fasnacht mitzmache. Mit alte Koschtüm und umbaute Larve, sin si mit grosse Schritt, vil Muet und dr richtige Portion Gwünerinstinkt an Maskeball zum Schuelhus gloffe. Unterwägs no d Strategie besproche und sälbsterständlich kei Detail usglo, somit het jo nüt me chönne schief goh... Denn am Maskeball acho, sin mir voller Stolz in d Halle gloffe, häns denn ungebrämst gschafft bis zur Getränkeusgab, denn zielstrebig ins Röömli hindere und usgiebig mit de andere Fasnächtler gfirt bis in die früehere Morgestunde. Natürlich sin sie sich einig gsi, dass das muess wiederholt wärde und somit isch dr Grundstei glegt worde in dr Cliqueschicht.

Im Lauf vom Joor sin den 2 witeri Mitglierder derzue gstosse und die grossi Froog um e vernünftige Cliquesname isch gli zoberst gstande uf dr Traktandelische. Mit grossem Elan hän mir das in Agriff gnoh und nacheme füecht-fröhliche Obe uns denn für dr eimooligi Name «Öpfelbütschgi» entschiide. Natürlich isch denn au grad s erschte Sujet feschtgelegt worde und mit «CH 700 + 1 Joor» e Meilestei in dr schwiizer Gschicht gfirt worde.



D Sujetwahl isch bi uns immer e chli anderscht gloffe mit em Ziel, s Komitee z'wirre durch e abstrakti Sujetwahl und dere Umsetzig. Mit Sujets wie «Beate Uhse am Blaue», «Dorfbrunne Kampfflotte», «Kornkreis AG» und no viile mehr isch uns das bis jetzt au sehr guet glunge. Meischtens hän mir überlegt was mir wän mache und hän denn s Sujet apasst.

Mir chönne rückblickend uf e abwächligsrichi Gschicht blicke, wo mir scho fascht alles gmacht hän, vom Waagebau, über e Maskeball organisiere, Fasnachtsfilm produziere in Spielfilmlängi, s Flugzüg wo mir innerhalb vo einere Wuche us em «nüt» baut hän oder s Trike vom vergangene Joor, es isch fascht alles derbii. D Mitglierderzahl het au immer e chli gänderet, mol mehr mol weniger, aber mir hän immer dureghalte.

Mittlerwäil ghöre mir zu dr alte Garde vo dr GuFa, sin aber immerno mit dr gliche Lideschaft derbii wie am erschte Dag. S Jubiläum müen mir leider verschiebe, aber mir wäre nid d'Bütschgi wenn mir do nid scho e gueti Idee hätte.

Öpfelbütschgi  
Mäggi, More, Thomi und Urs





# burri forst g a r t e n b a u

Tel 061 721 03 00 4107 Ettingen

[www.burriforst.ch](http://www.burriforst.ch)

Sonntag offen

in Ettingen

jeden Sonntag offen  
08.00 bis 12.00 Uhr



BÄCKEREI KONDITOREI CAFÉ

**J E K E R**



*Wo Feines entsteht*

BÜSSERACH | NUNNINGEN | BRISLACH | ETTINGEN  
061 781 13 09 | 061 791 14 30 | 061 783 83 33 | 061 721 14 77



PAUL THÜRING  
Malergeschäft

Paul Thüning • Malermeister

Witterswilerstrasse 17 • 4107 Ettingen

Tel. 061 721 75 87 • Nat 079 776 53 01

Wo  
Schönes  
entsteht.

brodmann<sup>o</sup>ag

wir malen, tapezieren und isolieren

**zimmerei stöcklin**

Holzbau und Bedachungen

4107 Ettingen Tel. 061 721 12 38

[www.zimmerei-stoecklin.ch](http://www.zimmerei-stoecklin.ch)

brodmannag.ch  
4107 Ettingen

# Thüring

Schreinerei AG

2-fach gueti Schreinerarbeite

JACOB Y  
moebel



FUSSPFLLEGESALON  
NICOLE SCHNEIDER-MUSTER

Hauptstrasse 22

4107 Ettingen

Tel. 061 721 25 35

## ABZEICHE IM HOME-OFFICE

E grosse Tisch, überall liggt Baschtelzüüg, Schere und Chläber. Dr Prosecco isch chalt und dr Tratsch isch uf'm neuschte Stand. So kenne mir unseri Abzeiche-Ladys: e fröhlichi Rundi. Nit aber das Joor. S'Corona-Virus het nit nume dr Fasnacht e Strich durch d'Rächnig gmacht, sondern au unserne Abzeiche-Ladys. Lang isch nit klar gsi, ob si zämmesitze chönne. Mit de stiegende Fallzahle het sich aber zeigt, dass das nit möglich isch. Es het also e Lösig ohne müesse. Kurz drufabe sin d'Abzeiche-Ladys ins Home-Office gschickt worde und s'Pasci het s'Material parat gmacht und de Hälferinne verteilt. Dehei hän den alli im sichere Rahme chönne unseri Abzeiche baschtle. Mir hoffe natürlich, dass ä Jedi gnueg Prosecco dehei gha het!

### S'ABZEICHE

Es isch März 2020. S'Corona-Virus het d'Schwiiz erreicht. D'Basler Fasnacht isch abgeit. Me mungled, dass dr Bundesrot e Lockdown verordne wird. Die wichtigschti Frog isch: Wird s'WC-Papier länge? Es isch regelrächt e Kampf usbroche ums Schissipapier. E Packig WC-Papier im Konsi z'finde isch öppe so, wie wenn me e 6er im Lotto het. S'Fasnachtsabzeiche beschribt s'vergangene Joor perfekt. Mir hän gnueg! Gnueg vom Corona und vorallem: Gnueg WC-Papier!

Viele Dank an d'Abzeiche-Ladys, dass mir trotz dr Absag vo dr Fasnacht gliich no ä tolls Abzeiche hän und für dr usserordentlichi Ufwand in dere spezielle Situation wo dir uf euch gno händ.



# MIR LÜUCHE MEHR DENN JE

Die disjööri Fasnacht isch abseit worde. Das haltet uns aber nit drvo ab, s'Dorf fasnächtlich z'dekoriere! Nei, die Freud lönd mir uns nit näh! Mir hän beschlosse, wenn mir das Joor scho so viel Zit dehei verbringe, die au richtig z'nutze und unseri Dorfdeko z'renoviere. Zwei tolli Projäkt hämer chönne uf d'Bei stelle mit Hilf vo allne Fasnächtler! Und eso chönne mir uns scho jetzt widr freue uf die nöggsti Fasnacht wo mir den widr richtig chönne fyre!

## WIMPELI

Jedes Joor hänge si, unseri Wimpeli. Gspannt vo Baum zu Baum hänge si 4 Wuche pro Joor, so farbig seht me s'Dorf sunscht nit. Unseri Wimpeli hän scho viel gse und viel erlabt. Sit vielne Joore trotz si jedem Wätter, was me ihne mittlerwile au ageht. D'Schnür sind teilwis grisse, und me het se immer wieder neu müesse chnuple, damit si widr e Fansacht länger hebe. Au d'Wimpeli sälber sin teilwiis usgfranst odr dräckig und in d'Wöschmaschine chönne mir si nit keie. D'«Petra», wo am 4te Februar 2020 gstürmt het, het unserne Wimpeli schlussendlich dr Räst gäh. Drum het d Sandra, unseri Deko-Tante, d'Idee gha, neui Wimpeli z'mache. Dr Stoff isch bstellt, d'Schnur isch kauft und usgmässe. Jetzt bruche mir nur no FasnächtlerInne wo sich mit Nähmaschine uskenne. Bereits an dr diesjöörige GV ischs ahtönt worde. Wär Lust het cha sich gärn an dr «Wimpelte» beteilige und sich bi dr Sandra per E-Mail malde: [sandra\\_rucht@hotmail.de](mailto:sandra_rucht@hotmail.de). Schnittmuster und Stoff bechömedr denn diräkt vo dr Sandra. Mir danke jetzt scho allne wo sich malde und mithälfe. Und freue uns natürlich uf die neue Wimpeli. Was die ächst alles wärde erläbe...?



## LATÄRNE

Lang ischs e Thema gsi und jetzt ischs ändlich sowit! Das Joor gits neui Latärne für unseri Fasnachtclique. Die het me bim Thomi chönne go hole und sälber bemole. Aber die Latärne chömme nit eifach vo irgendwo här! Am 12.10.2020 het dr Thomi ahgfan-ge unseri Latärne z'baue. 15 Stück sinds insgesamt. Dass mir aber chli e Ahnig hän, wie viel Ufand das isch, hän mir do e paar Fakte für euch!


Es het bruucht:

- 18.75m<sup>2</sup> Holz – Das isch zersägt worde in insgesamt 465 Holzstückli!!
- 42m<sup>2</sup> Stoff
- 3kg Liim
- 13l Beschichtig (nit Vegan! Sorry Jana...)
- 45m Kabel
- Und natürlich je 15 Lampefassige, Stecker und Halterige!

Zerst sind d'Holzteile zersägt worde anhand vonne Schnittmuster. Es git nämlich zwei verschideeni Latärne: rundi und söttigi in Konfetti-Form. Jedi Latärne isch 3 mol beschichtet worde. Zwei mol vo usse und ei mol vo inne. Die Beschichtig muess aber zuerst ufkocht wärde und denn wenss no warm isch uf d Baumwulle gstriche wärde. Zwüsche jedere Schicht muess aber zuerst ei Tag gwartet wärde, bis es troche isch. 140 Arbeitsstunde spöter sin denn d'Latärne parat gsi zum abhole.

Jedi Fasnachtsclique wo eini bstellt het, het denn ihri Latärne chönne go hole und sälber bemoole. Mir wärde behaupte, dass die Latärne grad zum richtige Zeitpunkt chöme. Will so chönne mir trotz Corona durch d'Strosse laufe und unseri Latärne bestuhne. Aber Achtung! Immer danke 2 Meter useinand!

In däm Sinn wänd mir uns im Name vo allne Fasnächtler und Fasnächtlerinne ganz hätzlich bim Thomi bedanke für sini Arbet!





# LUBS Land- und Baumaschinen Service AG



Martin Zimmermann info@lubs.ch  
Cyrill Thüring Tel.: 061 722 06 55  
Brühlstrasse 7 Fax: 061 722 06 58  
4107 Ettingen www.lubs.ch

Ihr Spezialist für:  
Landmaschinen, Baumaschinen, Motor-  
geräte, diverse Abgastests, Rasenmäher,  
Motorsägen, Garten- und Kleingeräte,  
Occasionen, Klima-Anlagen-Service,  
Chrom- und Alu-Schweissen.

Vertretung von:



## WEISCH NO IM 2020? FASNACHT VOR CORONA...



# D'GUGGER-GUGGE STELLT SICH VOR

Mir sölle e «Text» schriebe, hän si gseit. Villicht e «Rückblick zur Fasnachtsmeile», hän si gseit. Und dodrmit het s'Danke agfange. Was schriebe mr denn, wemer eigentlich gar nüt z'sage hän? Will, simmer emol ehrlich, sit dr letschte Fasnacht hämer knapp no chönne d'GV dureführe, alle Räscht isch mehr oder weniger Corona zum Opfer gfallne. Neumitglieder-Probe? Chasch denke. Neu Stüggl iistudiere? Klar, jede für sich elei. Fondüü-Pläusch? Jo, sicher, aber «Corona-konform» mit Lieferdiensch. S'Vereinslebe stoh still. Und e Rückblick uf die letschti Fasnacht, s'farbefrohe Getümmel an dr erschte Fasnachtsmeile, erschiint is do nit abrocht. Also hämer dänkt, mr verzelle lieber e bitzeli über uns.

Grundsätzlich gilt: **Als was bruuchsch** sin **Three little Birds** ... ähm nei, mir meine natürlich 13 luschtigi Gugger (inklusive emne 99er, ere Moore und dr **Barbara Ann**, quasi **Heimweh-Ettiger**) und scho hesch unseri Guggu. Unsers **Herz** schloht für d'Fasnacht, womer amigs sicher **500 Miles** dur s'Dorf laufe. Aber au unterem Joor hämers lessig an diverse Aläss oder bim Probe am Mentig z'Obe. Obwohl: Unsere Major het amigs scho chli **Müeh mit de Chüeh**, wemer wieder emol dr **Sennesinger** mache anstatt s'azellte Stüggl z'spiele.

Chli am **Edge of Glory**, also nur am Rand vom Ruhm, simer aber ehrlich gseit in dr Gender-Frog, will d'Frauequote zwar ungläublichi 85% betreit ... drfür hämer nur no zwei Herre in unserne Reihe! #MännerGesucht! Aber nit nur: Mir biete es **Sweet Home** für alli, wo ihri **Ewigi Liebi** zunere Guggu noni gfunde hän. Musikerinne und Musiker ... und sonigi wo's wän wärde, Jugendlichi mit musikalische Ambitione, **Beat It**-Liebhaber und alli die, wo bim **Stand by me** begleitet vom Fürwärk vo unserne Ettiger-Clique amigs e **Träne** verdrugge.

S'Fazit? Mir sueche noch wie vor Mitglieder (und Mitgliednerinne) für unsere glatte Huffe, domit mr noch Corona eso richtig chönne durestarte! Also saged's doch witer, dr lischtig isch jederzit möglich.

Mir freue uns druf, euch bald alli wieder live dörfe z'gseh und z'unterhalte!  
Will: Uns muesch ghört ha - bi uns willsch drbi sii.

E härzlichs Heirassa  
Euri Gugger-Guggu





Heizungstechnik ■ Sanitärtechnik

**Moret-Brodmann AG**

4114 Hofstetten Tel. 061 731 30 36

[www.moret-brodmann.ch](http://www.moret-brodmann.ch)

Heizungen – Wärmepumpen – Sanitär – Badumbau

R. Moret / A. Brodmann / P. Weikard

# Beauty-Case

## Kosmetik und Fusspflege

### Säure-Basen Behandlungen und Beratung

Christine Zimmermann

Brücklismattstr. 10

4107 Ettingen

Tel. 079 549 43 61

Behandlung auf Voranmeldung!

**S'KOMITEE WÜNSCHT ALLNE TROTZ  
CORONA E TOLLI «FASNACHT» 2021  
UND BLIIBET GSUND!**




**UNSERI LOKALE BEIZE UND DETAILHÄNDLER  
BRUCHE UNS ZUR ZIT MEHR DENN JE.  
BITTE UNDERSTÜTZET SIE IN DERE SCHWIIRIGE ZIT!**

# COIFFURE TEAM

hauptstrasse 26  
4107 ettingen

tel. 061 721 21 11  
www.coiffureteam.ch



**Wir bringen Farbe in Ihr Leben.**

*Seit über 40 Jahren.*



061 721 15 11 info@gutzwiller-ag.ch www.gutzwiller-ag.ch



Rolf Basler Bestattungen

Vertrauen. Abschied. Erinnerung.



[www.basler-bestattungen.ch](http://www.basler-bestattungen.ch)

[www.rheinbestattung.ch](http://www.rheinbestattung.ch)

Aesch: Hauptstrasse 33  
Therwil: Baslerstrasse 41

Telefon **061 751 16 15**  
Telefon **061 721 10 50**

# KASSIER/KASSIERIN GESUCHT

Liebe aktive und passive Fasnächtler

An der Generalversammlung vom 26.08.2020 hat unser Kassier Michel Simon darüber informiert, dass er sich zukünftig auf den Webbereich inkl. Website, GuFa Poscht, usw. konzentrieren möchte und daher das Amt als Kassier freigeben und in den erweiterten Vorstand wechseln wird.

Um sicherzustellen, dass genug Zeit vorhanden ist, einen neuen Kassier oder Kassierin zu finden, versicherte der aktuelle Kassier das Amt erst per Generalversammlung 2021 abzugeben.

Das Komitee und die gesamte Fasnachtscommunity wäre sehr dankbar, wenn sich jemand dieser Aufgabe annehmen würde. Nur zusammen können wir weiterhin eine tolle Fasnacht auf die Beine stellen!

Als Kassier/Kassierin braucht man keinerlei Vorwissen. Alles wird durch Michel Simon erklärt und gezeigt und er steht auch zukünftig für Fragen jederzeit zur Verfügung. Zudem stellt er diverse Vorlagen bereit.

Bei Interesse meldet euch bitte direkt auf [fasnacht@gufa.ch](mailto:fasnacht@gufa.ch)

Euer Fasnachtskomitee Ettingen



**GUTZWILLER**  
GARTENBAU

Walter Gutzwiller GmbH  
Drosselstrasse 21 | 4106 Therwil  
Tel. 061 721 37 88  
[www.gutzwiller-gmbh.ch](http://www.gutzwiller-gmbh.ch)



**Gugger  
Fasnacht**

**WOTSCH DU S'NÖGGSCHTE  
ABZEICHE MITGSTALTE?  
MACH MIT BIM WETTBEWÄRB!**

**DIE SCHÖNSCHTI FASNACHT IM  
«HÄRZ VOM LEIMETAL»  
GITS NATÜRLICH AU ONLINE!**

Z'gwünne gits e Guetschiin  
vom Buechlade «Leserei  
Ettingen» im Wärt vo 100.-!

Alli Infos unter:  
**gufa.ch**



GuFa -  
Gugger Fasnacht



@guggerfasnacht



gufa.ch



Fasnachtskomitee Ettingen



# WC-PAPIER RÄCHNER

## WIEVIEL TÄG LÄNGT MI SCHISSPAPIER?

Wieviel Rolle hesch dehei?

Wie oft muesch am Tag uf s'WC?


	1	2	3	4	5	6	7	8	9	10	11	12	13	14	15	16	17
1	16	32	48	64	80	96	112	128	144	160	176	192	208	224	240	256	272
2	8	16	24	32	40	48	56	64	72	80	88	96	104	112	120	128	136
3	5	11	16	21	27	32	37	43	48	53	59	64	69	75	80	85	91
4	4	8	12	16	20	24	28	32	36	40	44	48	52	56	60	64	68
5	3	6	10	13	16	19	22	26	29	32	35	38	42	45	48	51	54
6	3	5	8	11	13	16	19	21	24	27	29	32	35	37	40	43	45
7	2	5	7	9	11	14	16	18	21	23	25	27	30	32	34	37	39
8	2	4	6	8	10	12	14	16	18	20	22	24	26	28	30	32	34
9	2	4	5	7	9	11	12	14	16	18	20	21	23	25	27	28	30
10	2	3	5	6	8	10	11	13	14	16	18	19	21	22	24	26	27
11	1	3	4	6	7	9	10	12	13	15	16	17	19	20	22	23	25
12	1	3	4	5	7	8	9	11	12	13	15	16	17	19	20	21	23
13	1	2	4	5	6	7	9	10	11	12	14	15	16	17	18	20	21
14	1	2	3	5	6	7	8	9	10	11	13	14	15	16	17	18	19
15	1	2	3	4	5	6	7	9	10	11	12	13	14	15	16	17	18
16	1	2	3	4	5	6	7	8	9	10	11	12	13	14	15	16	17
17	0	2	3	4	5	6	7	8	8	9	10	11	12	13	14	15	16

Legende:

 schleunigst go Nochschrub hole!

 schribs ufe l'chaufzettel!

 wens in aktion isch: chaufe!

 du muesch noni pressiere!

 wend jetzt chaufsch, bisch nid ganz 100!

## IMPRESSUM

Heft: GUFA 2021, 11. Usgoob

Veröffentlicht durch: Fasnachtskomitee Ettige

Inhalt und Layout: Patricia Gonçalves und Sylvia Schneider